

Haec quamvis ita sint, non puto tamen in sola explicatione Hurtadi etiam hoc sensu intellecta consistendum, sed ei superaddendam esse declarationem Cardinalis de Lugo, in quam incidit etiam illa Suarezii, si eo modo quo superius dixi, intelligatur vel temperetur. Nimur non solum subiectiva illuminatio, sed ipsa etiam obiectiva manifestatio auctoritatis Dei quatenus *objecum formale fidei* constituit, supernaturalis est. Nam auctoritas Dei cognoscitur per se ipsam et ut *objecum immediatum adhaesiois in ipsa locutione divina supernaturali*, que nobis sese sistit ut locutio divina. Hac ratione Card. de Lugo dixit, auctoritatem Dei immediate cognoscibilem esse in ipso facto revelationis, quod enuntiatur propositione: « Deus hoc revelavit. » At de modo, quo factum revelationis ex se ipso immediate ac supernaturaliter cognoscatur, potissima oritur difficultas diligenter explicanda.

III. *De cognoscenda existentia divinae revelationis.*

1. Non sufficit ad formalem actum fidei cognovisse infinitam Dei veritatem tamquam obiectum formale propter quod assensus fidei praestatur, nisi cognoscatur veritas Dei *ut revelans* aliquam veritatem, h. e. nisi simul cognoscatur existentia revelationis. Neque enim quia Deus verax est, possum credere e. g. SS. Trinitatem, nisi cognoscam Deum veraceum revelasse hoc mysterium. Credimus ergo determinatam veritatem propter auctoritatem Dei *revelans hanc veritatem* (vide supra p. 645. sq.). Unde remanet querendum, quomodo cognoscatur existentia revelationis, quatenus ingreditur ipsum actum fidei. Non posse ipsam existentiam revelationis ultimatum (I) credi propter testimonium divinum sive re sive ratione distinctum, quia

superincere divinum radium, nisi circumvelatum varietate sacrorum velaminum » S. Th. in Boëth. de Trin. leet. II. q. 2. a. 3.

(I) Dico *ultimatum* et regrediendo ad primum actum, in quem fides resolvida est; ceterum posse et debere credi etiam actibus fidei formalis existentiam revelationis ipsamque auctoritatem Dei, quia utraque veritas est etiam revelata, iterum dicimus inferius.

Deus dixit se hanc illamve veritatem revelasse, sed esse cognoscendam ex se ipsa et ex sua ratione intestina, pariterque hanc cognitionem debere esse supernaturalem, eo modo probatur, quo id de auctoritate divina demonstravimus.

Dum Deus hominibus loquitur, sive immediate ut prophetis et primis suis legatis sive per legatos suos, debet utique sibi, ut verbum suum quibusdam characteribus et velut sigillis reddat hominibus quibus destinatur, cognoscibile tamquam divinum; seu quod perinde est, ut reddat hominibus cognoscibile, Deum ipsum esse, qui vel immediate vel per suos legatos loquitur. « Posuit in nobis verbum reconciliationis; pro Christo ergo legatione fungimur, tamquam Deo exhortante per nos » 2. Cor. V. 20. « Cum accepissetis a nobis verbum auditus Dei, accepistis illud non ut verbum hominum, sed sicut est vere, verbum Dei, qui operatur in vobis, qui ereditis » 1. Thess. II. 13. Signa autem et characteres, quibus verbum velut insignitum ut verbum Dei revelantis cognoscibile sistitur, sunt multiplicita facta et charismata supernaturalia, quae intelliguntur non posse esse nisi a Deo testante per illa pro verbo suo. « Fiducialiter agentes in Domino *testimonium perhibente verbo gratiae suae* (ἴτινα τῷ κυρίῳ, τῷ μαρτυροῦντι τῷ λόγῳ τῆς χάριτος αὐτοῦ), dante signa et prodigia fieri per manus eorum. Act. XIV. 3. « Si tantum neglexerimus salutem, quae cum initium accepisset enarrari per Dominum, ab eis qui audierunt, in nos confirmata est *contestante Deo* (συνεπιμαρτυρούντος του θεου) signia et portentia et varii virtutibus (δύναμεσι) et Spiritus Sancti distributionibus » Heb. II. 3. 4.

2. Ut paulo distinctius concipiatur, quod dicimus de characteribus conspicuis locutionis divinae, et quomodo divina revelatio existsit manifestetur ex se ipsa, animadvertisendum est, locutionem divinam esse complexam ex verbis enuntiantibus veritatem et ex factis, quibus verba exhibentur ut locutio divina. « Sicut humana consuetudo verbis, ita divina potentia etiam factis loquitur, et sicut humano sermoni verba nova vel minus usitata moderate et decenter aspersa splendorem addunt, ita in factis mirabili-

bus aliiquid significantibus quodammodo luculentior est di-
vina eloquentia • Aug. ad Deo gratias ep. 102. q. 6. n. 33.
Unde etiam sensu eodem dictum est: « fides nostra nisi
auditu non constat et visu » (s. Maximus vel alius serm.
in Epiphaniam n. 3. Opp. s. Ambrosii Append. serm. 10.).

Si consideretur fastigium divinae revelationis in Christo,
imprimis tota vita Iesu Christi, miracula, mors, et prae-
ceteris resurrectio, electio paucorum rudium hominum ad
conversionem generis humani, missio Spiritus Sancti spe-
ctata in evidenteribus effectibus; tum tota historia humani
generis et maxime historia populi Israel cum omnibus suis
manifestationibus supernaturalibus ut praeparatio et pa-
dagogia ad Christum, atque tota historia christiana subse-
quens ut effectus promanans ab ipso Christo; apostolica
praedicationis, mirabilis religionis propagatio, media ad finem
propositum omnia contraria iis, quibus homines utuntur,
et quae humanitas spectata non tam ad obtinendum quam
ad impediendum effectum viderentur idonea; effectus autem
ex nulla humana causa ingens et universalis in humano
genere, inter ferrum et ignem inter tormentorum omnia
genera, quibus per tria saecula et amplius saevitum est, con-
versio omnium idearum ordinis theologici et moralis, com-
mutatio totius vitae publicae et privatae; non minus mi-
rabilis totius institutionis conservatio per saeculorum de-
cursum, omnibus aetatis moraliter perpetua sanctitas et
virtutum nusquam extra hanc religionem cognitarum con-
stans exercitium heroicum in multis, aestimatio in omnibus,
charismata supernaturalia effectibus externis etiam
sese manifestantia; postremo totus hic rerum divinarum
complexus tum universum tum in factis singulari diu antea
promissus et praenuntiatus; haec inquam omnia simul spe-
ctata sunt totidem radii, quibus verbum propositum ut di-
vinum resplendet et suam originem divinam manifestat (1).

(1) Locutio cum omnibus his factis divinis composita sest sitit ut
subjectum, utique non sine consideratione elementorum quibus constat;
ei autem convenire *praedicatum locutionis* divinae intelligitur ex ipsa
natura *subjecti* ita considerati et ex notione *praedicati* (vide Card. de
Lugo disp. I. sect. 7. n. 124.) Non mihi videtur haerendum in vepr-

(ef. Tract. de Deo th. VIII.). Vide Concil. Vatican. Const.
de Fide cap. 3. can. 3; Encycl. litt. S.P. Pii IX. 9 Nov. 1846.

3. Secundum haec declarat s. Thomas actum fidei, quod
fidelis Deum loquentem cognoscit « certis experimentis »,
atque ita suscipiens verbum ut verbum Dei, credit ipsi
Deo (hoc nempe est obiectum formale et motivum fidei) ea,
quae hoc verbo dicuntur (obiectum materiale fidei). Diffi-
cultas proposita haec erat. « Nullus est ita infidelis, qui

bus difficultatum, quae nuper promota sunt contra doctrinam Card. de
Lugo, quasi in ea non satis sibi constaret resolutio fidei in solam an-
teritatem Dei revelantis, eo quod ad intelligendum locutionem proposi-
tam esse locutionem Dei, opus sit consideratione multorum factorum,
quae sunt aliud creatum, et licet a Deo supernaturaliter operante
protectum, tamen non in se ipso divinum. Sed protectio Deus in hac
vita nec naturaliter nec supernaturaliter sese nobis manifestat sine fa-
ctis creatis, ex quibus est cognoscendus, atque ita etiam per huismodi
facta sese nobis exhibet cognoscendum ut loquenter se revelan-
tem; neque ideo minus est cognitio ipsius Dei revelantis. Unde etiam
motivum seu obiectum formale *solum ac proxime primum et ultimum*,
proximum et supremum, propter quod credimus rem dictam a Deo, est
auctoritas ipsius Dei revelantis, non autem illa facta quatenus sunt
aliud creatum, per quae Deus ut revelantem se nobis manifestat. In
theophanis veteris Testamenti Deus Moysi ac prophetis sese loquenter
manifestavit per signa et ostenta sensibilia (e. g. in rubro ardente);
qui autem credebant, erat Deus ipse revelans et per ea signa se reve-
lantem manifestans. In fastigio revelationis Dei, Deus in carne se ut
Deum revelantem et revelatum exhibuit suis factis divinis. « Opera
quae dedit mihi Pater ut perficiam ea, ipsa opera quae ego facio, testi-
monium perhibent de me, quia Pater misit me. » « Pater in me ma-
nens ipse fecit opera. » « Videlicet gloriam eius, gloriam quasi unigeni-
titi a Patre. » « Magna pietatis sacramentum, quod manifestatum est
in carne (οὐαὶ ἐπιτίμησθαι τῷ αὐτῷ), instauratum est in spiritu, ap-
paruit angelus, praedicatum est in gentibus, creditum est in mundo,
assumptum est in gloria » (Io. I. 14; V. 36; XIV. 10; 1. Tim. III. 16.).
Quod illis qui ab initio ipsi viderunt, erant facta divina per physican
präsentiam, idem nobis sunt tota suo valore permanentia in Ecclesia; at-
que sicut illi in factis cognoverunt Deum revelantem, et non alteri quam
ipsi Deo crediderunt revelata, ita et nos cognoscimus et credimus. In
modo pervenienti ad cognitionem factorum diversiarum accidentalis est,
sed Dei revelantis cognitio in factis, et fides qua propter auctoritatem
Dei revelantis credimus revelata, utroque eiusdem est rationis: « quia
vidisti me Thoma, credidisti; beati qui non viderunt, et crediderunt »
Io. XX. 29.

credat, quod Deus non loquitur nisi verum; ergo credere vera esse quae Deus loquitur, non est actus fidei; sed magis credere vera esse, quae nuntius Dei loquitur; et sic credere homini magis est actus fidei quam credere Deo. » Respondet Angelicus. « Dicendum, quod fidelis credit homini non in quantum homo, sed in quantum Deus in eo loquitur, quod ex certis experimentis colligere potest; infidelis autem non credit Deo in homine loquenti. » S. Th. 3. dist. 23. q. 2. a. 2. sol. 2. ad 3. Insuper ex doctrina Angelici fides quoad obiectum materiale non habet inquisitionem rationis, quia nimur ei assentimur unice propter veritatis primae testimonium; sed quoad locutionem Dei quae est obiectum formale propter quod creditur, eattenuis inquisitionem habet, quatenus locutio divina non propter testimonium credenda sed ex factis divinis cognoscenda est. « Fides non habet inquisitionem rationis naturalis demonstrantis id, quod creditur; habet tamen inquisitionem quandam eorum, per quaen inducitur homo ad credendum, puta quia sunt a Deo dicta et miraculis confirmata. » 2. 2. q. 2. a. 1. ad 1. Dixerat autem paulo ante, hoc ipsum quod sunt a Deo dicta, esse formale obiectum fidei in omnibus quae creduntur: « in fide si consideremus formalem rationem obiecti, nihil est aliud quam veritas prima; non enim fides assentit alicui, nisi quia est a Deo revelatum. » ibi q. 1. a. 1. Θ.

4. Quando igitur verbum characteribus divinae locutionis insignitus sistitur homini, illud ex sese non quidem evidenter sed certo (ut mox explicabimus) cognoscibile est tamquam verbum non hominum; sed, sicut est vere, verbum Dei. Est igitur obiectum sufficienter propositum, non ut necessario determinet assensum intellectus, sed ut voluntas mota et confortata per gratiam, pio credulitatis affectu et ex debito infinitae veritati obsequio imperet assensum firmissimum; atque ita intellectus itidem illuminatus et fortatus gratia firmissime assentiatur veritati, Deum esse, qui hoc (e. g. dogma SS. Trinitatis) revelavit. Unde apparet et bene notandum est, non esse hunc assensum mere philosophicum (ut Hermesiani rationabili obsequio fidei

substituerunt fidem rationis naturalis *ex argumentis evidentiibus necessariam*), nec minus quoad hunc assensum, quam quoad actum fidei formaliter, dannabilem esse propositionem: « voluntas non potest efficere, ut assensus fidei in se ipso sit magis firmus, quam mereatur pondus rationum ad assensum impellentium. » Prop. XIX. inter damnatas 2. Martii 1679.

Si quaeritur de nomine, utrum talis assensus supernaturalis, de quo loquimur, appellandus sit actus fidei; dicimus, non esse fidem formaliter, quia non est ex motivo formaliter testans; neque enim hic ideo creditur, Deum revelasse Trinitatem, quia Deus dicit, se eam revelasse. Potest quidem sine dubio etiam talis actus fidei elici, de quo postea dicimus; sed tum pro illo obiecto materiali fidei: « Deus dicit, se Trinitatem revelasse, » iterum motivum formale assentiendi debet esse locutio Dei ex sese cognoscibilis, vel saltem debet sisti ultimatum in locutione Dei ex sese cognoscibili, ne progressus sit in infinitum, ut superius de cognitione auctoritatis Dei declaratum est. Quod vero spectat illum immediatum assensum, de quo agitur; si nomine *fidei* intelligitur assensus supernaturalis ex habitu ac lumine fidei, imperatus a libera voluntate ex debito obsequio erga supremam maiestatem, atque assensus in divinitatem locutionis quae ut divina cognoscibilis sistitur, imo assensus ingrediens ipsum actum fidei formalis velut principium ac fundamentum; istae omnes proprietates tali immediato assensui convenienti. Ex his rationibus etiam Card. de Lugo ait, melius istum assensum designari per verbum *credere* quam per verbum *scire* (disput. I. sect. 7. n. 129.), quemadmodum et s. Thomas et alii theologi verbum *credere* saepissime latiori sensu accipiunt. Verum quia ille assensus est immediatus, non est proprius et formaliter actus fidei, qui deberet esse elicitus ex motivo formaliter, quia Deus dicit hanc locutionem esse suam, non autem quatenus locutio ut divina ex se ipsa cognoscitur. Testimonium itaque divinum ex se ipso apprehensum per assensum supernaturalis habet ut principium, per quod et propter quod veritates testimonio enuntiatae creduntur formaliter actu fidei.

5. S. Thomas certissime numquam docuit, ipsam testificationem divinam ut formale obiectum in omni actu fidei esse credendam fidei proprie dicta. Solvendam sibi opposuit hanc difficultatem. « Veritas prima (Deus) comparatur ad fidem duplicitate, scilicet ut testificans, et ut id de quo est fides (ut obiectum formale testificando, et ut obiectum materiale testimonio revelatum e. g. Deum esse trinum personis). Sed non potest ponit ut obiectum fidei, ut est testificans; sic enim est extra fidei essentiam (1); nec iterum ut id de quo est fides, quia sic de quocumque enuntiabilia formentur de veritate prima, essent credibilia, quod patet esse falsum. Ergo veritas prima non est proprium fidei obiectum. » In hac obiectione dicuntur duo, unum supponitur per se clarum, Deum videlicet formaliter *ut testificantem*, seu existentiam testimonii divini non esse id, *de quo est fides*; alterum intenditur probari, Deum veritatem primam negare esse obiectum fidei ut obiectum materiale, de quo est fides, quia sic omnibus propositio enuntiabilis de Deo esset fide credenda. Iam in responsive, quicumque sequeretur sententiam a nobis impugnatam, necessario simpliciter negaret suppositum, relate ad fidem distinguiri posse Deum ut testificantem de quo non sit fides, et eundem ut id de quo est fides; nam in hac sententia Deus ut testificans imprimis et maxime est id, de quo est fides. In nostra vero sententia haec distinctio debet admitti, scilicet Deum quatenus est testificans, ultimatum non esse id, de quo est fides formaliter et proprie dicta. Additum vero in obiectione, « ut testificans est extra essentiam fidei, » distinguitor: est extra essentiam fidei ut obiectum materiale fidei, *concedo*; ut principium et obiectum formale, *nego*. Propterea solutio tota vel saltem praecepue referenda est ad id, quod dicitur de obiecto materiali, scilicet Deum non esse id, de quo est fides. Atqui haec ipsa est responsio s. Thomae. « Dicendum, quod *pro tanto* veritas

(1) Videlicet non assentimur in existentiam testimonii propterea, quod Deus dicit, hoc testimonium esse suum; sed id ex certis experimentis colligere possumus, ut paulo ante audivimus ex Angelico.

prima dicitur esse fidei obiectum, *quia de ea est fides* (1); nec tamen oportet, quod quolibet enuntiabile deo formatum sit credibile, *sed illud solum de quo veritas divina testificatur* (haec est solutio rationis allatae in obiectione)... *Ipsum autem testimonium veritatis primae se habet in fide ut principium in scientiis demonstrativis* » S. Th. de Verit. q. 14. a. 8. ad 16. Ait nempe: sicut in scientiis demonstrativis principium est obiectum intellectus immediate cognitum, consequens est obiectum scientiae cognitum ex principio (vide supra p. 597); ita in fide testimonium veritatis primae est obiectum per se cognitum ab intellectu supernaturaliter elevato per gratiam; illud de quo veritas divina testificatur, est obiectum fidei formaliter dictae (2).

(1) Ad obiectiōē ergo, qua dicebatur: non potest Deus ponit ut obiectum fidei (materiale), ut est testificans, quia sic est extra fidei essentiam (spectando obiectum, quod creditur), nec iterum ut id, de quo est fides; hic respondet Angelicus: *concede* primam partem; *nego* secundam partem.

(2) Vix oculis creditur, quando apud quosdam theologos etiam hac nostra actate leguntur citationes ex hac ipsa quæstiōē 14. art. 8. de Verit., ex quibus serio affirmant demonstrari s. Thomam diserte docuisse, primam veritatem in quavis revelatione principaliter testari de se ipso et de facto revelationis seu de existentia divini testimonii, ita ut secundum doctrinam s. Thomae in omni actu fidei non solum obiectum materiale, sed etiam obiectum formale (nempe Dei veracitas in cognoscendo et loquendo atque existentia divini testimonii) fidei proprie dicta credatur, quia Deus dicit se esse veracem et se revelasse e. g. mysterium incarnationis. Si haec diserte docet s. Thomas, mirum profecto Suarizum qui, ut vidimus, tam infelice præcidiū quæsivit a doctore Angelico, ad hanc loca diserta quæstiōē 14. numquam appellasse; multo magis mirum, quomodo isti theologi s. doctorem nobis exhibeant tam aperte sibi ipsi contrariorum suæque doctrinæ, quam in hos ipso articulo et aliis locis citatis defendit, atque verba ex textu et contextu avulsa proferant velut diserta testimonia pro opinione, enī nec in illo nee in alio loco s. Thomae ultimam est vestigiam. Quæ tam confidenter producent, verba haec sunt: *a divinum testimonium primo et principaliter est de se ipso* » ibi q. 14. a. 8. ad 2; tum haec aliter: « veritas prima principaliter de se testificatur; unde se habet in fide et ut medium et ut obiectum » ibidem ad 9.

Item quæsio legatur textus et contextus. Toto illo articulo Angelicus declarat quæstiōē, utrum Deus ipse sit obiectum fidei principale seu subiectum attributionis, ita ut principaliter revelata ac credenda sint

Forte quoad rem ipsam etiam Suarez, ut superius de assensu in veracitatem Dei diximus, non multum distat ab hac explicatione; licet obscure loquatur propter illud

divina, alia autem quae creaturas spectant, revelata et credenda sint in ordine ad Deum, quod s. Thomas etiam alibi saepius tractat (vide I. q. 1. a. 7. cf. Tract. nostrum de Deo Proleg. §. I.). Fides, inquit, est quaedam participatio scientiae divinae; unde sicut « veritas divinae cognitionis primo et principaliter est ipsius rei increatae, creaturarum vero quodammodo consequenter, in quantum quidem cognoscendo se ipsum omnia alia cognoscit; ita fides quae hominem divinae cognitioni coniungit per assensum, ipsum Deum habet sicut principale obiectum, alia vero quaecumque sicut consequenter adiuncta » (de Verit. q. 14. a. 8. Q. cf. I. q. 1. a. 3; prolegom. in 1. sentent. q. 2; in Boëth. de Trin. proem. q. 2. a. 2.). Ad ulteriorem huius doctrinae illustrationem Angelicus (ut solet) sibi opponit difficultatem, qua contenditur, aequo modo pertinere ad obiectum fidei crea ta sicut divina: medium fidei est hoc, quod credit Deo aliquid dicunt (obiectum formale fidei); Deo autem credendum est non tantum de veritate prima, sed de qualibet alia veritate; ergo qualibet veritas est per se materia et obiectum fidei. « Huius obiectioni s. doctor iuxta sensum expositum in corpore artifici et paulo ante a nobis descripsum respondet: « dicendum quod quamvis divino testimoniis sit omni bus credendum; tamen divinum testimonium sicut cognitio primo et principaliter est de se ipso, et consequenter de aliis, Ioan. XIV. 8: ego testimonium perhibeo de me ipso; unde fides est principaliter de Deo, consequenter de aliis » ibi ad 2. Evidenter in his verbis, quorū nonnullis particulis ex contextu abruptis adversarii abutantur, sermo non est de modo, quo ipsum testimonium divinum ut medium fidei cognoscendum sit, ut illi flingunt; sed agitur unice de ordine inter obiecta materialia fidei: sicut cognitio Dei ad intra, ita etiam eius testimonium iam ad extra est principaliter de Deo ipso, quemadmodum in corpore a rituali non solum eodem sensu sed etiam similiissima constructione grammatica dixerat: « veritas divinae cognitionis cognoscendo se ipsum omnia alia cognoscit. »

Eadem fallacia in citatione altera adversiorum recurrit non minus patens, dummodo contextus s. Thomae ob oculos habeatur. Nempe in obiectione 9^a quam sibi opponit, iterum asseritur, veritatem primam esse quidem medium cognitionis fidei, non tamen veritates de Deo esse obiectum fidei principaliter quam veritates de creaturis: « in qua libet cognitione illud in quod deducimur, obiectum est; illud autem per quod in illud deducimur, medium est. Sed in fide deducimur ad assertendum aliquibus veritatisbus de Deo et creaturis per veritatem primam, in quantum credimus (assensu tenemus) Deum esse veraceum. Ergo veritas prima non se habet ut cognitionis (fidei) obiectum » (principale, de quo tota ista Thomae disputatio est). In responsione concedit Ang-

suum principium, assensum qui sit supernaturalis et ex gratia fidei, debere esse assensum fidei. Accipimus sane, quod dicit in sua explicatione principali. « Inter homines etiam, quamvis qui loquuntur, per expressum actum reflexum non dicat se loqui, loquendo id satis dicit actu exercito; et hac ratione, quando aliquid sufficienter proponitur ut dictum a Deo, eo ipso locutio illa sufficienter proponitur ut verbum Dei; et ideo non tantum res dicta, sed etiam locutio ipsa accipienda est et credenda (res dicta formaliter credenda, locutio ut divina accipienda per gratiam fidei et ex libero mentis obsequio erga Deum, non tamen ultimatum credenda ex motivo formalis, quia Deus dicit, se loqui) iuxta illud Pauli 1. Thess. II. 13: cum accepissetis a nobis verbum auditus Dei, accepistis illud non ut verbum hominum, sed sicut est vere, verbum Dei. Hoc ergo modo divinum verbum et rem dictam et se ipsum dicit, et

liens, veritatem primam esse motivum seu obiectum formale fidei, quatenus attestans est, quae attestatio quomodo cognoscenda sit, hoc loco non dicit; sed simul ait, veritatem primam (Deum) esse princeps obiectum materiae fidei, quia veritates credendas principaliter de se ipsa et consequenter de creaturis revelat. « Dicendum, quod quamvis per veritatem primam deducimur in creaturis, principaliter tamen per eam deducimur in se ipsum, quia ipsa principaliter de se testificatur; unde veritas prima se habet in fide et ut medium (quatenus testatur) et ut obiectum » (quatenus de ea principaliter est testificatio seu revelatio) ibi ad 9. Quenam vero sint illa, quae veritas prima de se ipsa testatur, et in qua per ipsam veritatem primam attestantem deducimur, s. doctor declarat articulo 9. sequenti, sicut et alibi saepissime. Sunt nimis pro omnibus fidelibus illa omnia et sola, quae a Deo revelata simpliciter humanan rationem sperant, et pro aliquibus sunt etiam illa, quae licet per se rationis vim non excedant, excedunt tamen eorum actualiem cognitionem; constanter enim tenet Angelicus opinionem, non posse simul consistere scientiam et fidem de eodem obiecto. Unde iam superius diximus, quam false ei tributatur ista recentiorum inde a saeculo XVII. sententia, qua in omni acta fidei etiam infallibilitatem Dei fidei proprie dicta credi oportere contendunt. Vide cl. P. Kleutgen in Appendicibus ad « Theologiam antiquitatis » fascicul. III. §. XI. p. 197. sqq. (Beilagen zu den Werken über die Theologie und Philosophie der Vorzeit), in qua Appendix et multo amplius in ipso opere Theologiae T. IV. tract. III. reperies, quae ad doctrinam de Fide pertinent, egrae probata et declarata.

hae ratione per fidem infusam creditur non per resolutionem in aliud verbum sed per se ipsum n. disp. III. sect. 12. n. 12.

6. Postremo ne quae de locutione Dei composita ex verbis et factis diximus, praepostere intellecta occasionem praebant confundendi motivum formale fidei cum motivis credibilitatis, plures rationes diversae factorum divinorum distinguenda sunt. Complexus ille factorum, de quibus diximus, quatenus referuntur ad hoc verbum, quo determinatae veritates credendae proponuntur; potest ac debet spectari tripliciter. a) Possunt considerari facts ut referuntur ad veritatem, quae proponitur tamquam revelata; ita exhibent intellectui veritatem illam evidenter credibilem, et consequenter intellectus exhibet voluntati evidens officium credendi. Hoc iudicium, veritatem esse credibilem et credendam, sub consideratione motivorum non est liberum immediate sed necessarium, quia est evidens. Hoc modo si spectantur illa facta, sunt et dicuntur proprie motica credibilitatis; non autem sunt formale motivum fidei, quod est unice prima veritas revelans. Neque enim credimus fide divina e. g. Trinitatem ex motivo formalis, quia patrata sunt miracula et signa cetera ad confirmandam veritatem; sed unice quia Deus hanc veritatem revelavit. Miracula sic spectata solum reddunt evidenter credibilitatem huius veritatis. b) Possunt considerari facts per se, ut referuntur ad existentiam revelationis manifestandam. Ita sunt ratio, qua intellectui exhibetur ut certa non tamen ut evidens existentia revelationis, ac proinde sunt ratio, propter quam intellectus ex imperio voluntatis assentitur existentiae revelationis. Hoc etiam modo spectata solent dici motiva credibilitatis, quamvis ita existentiam revelationis seu divinitatem locutionis potius exhibeant certo intelligibilem, ut dictum est, quam fide credibilem et credendam. Denique c) potest spectari complexus factorum, formaliter ut in coniunctione cum verbo complet locutionem divinam. Ita ingrediuntur et componunt locutionem Dei, quae est moticum formale fidei; non enim solis verbis sed una cum verbis etiam factis illis omnibus loquitur ipse Deus. Cf. de Lugo disp. I. sect. 7. n. 130. 131; Ripalda de Fide disp. III. sect. 4.

7. Totam seriem actuum intellectus et voluntatis in ordine ad actum fidei quos distinete consideravimus, iam possumus connumerare.

a) Infallibilitas Dei in cognoscendo et loquendo ex intentina sua ratione menti affulget sive sub forma hypothetica: « si Deus loquitur, eius verbum est infallibile; » sive sub forma absoluta (praesupponendo acquisitam cognitionem Dei existentis velut conditionem): « Deus est infallibilis in loquendo. » Mens non naturalibus viribus sed lumine supernaturali fidei, quo credit ipsam veritatem revealatam, assentitur actu supernaturali; et per idem lumen fidei hic assensus ex submissione erga supremam maiestatem est *estimative super omnia*. Haec auctoritas Dei per se est quidem evidens, per accidens pro aliquibus potest esse non evidens sed certa tantummodo. Imperium voluntatis supernaturaliter elevatae requiritur quoad ipsum assensum simpliciter, si manifestatio non est evidens; etiamsi vero haec sit evidens, locus tamen est imperio voluntatis elevatae quoad firmitatem assensus. Adeoque iam hic actus vel simpliciter vel secundum quid liber est, atque adeo mitorius.

b) Locutio aliqua (e. g. tres esse divinas personas) complexa, ex verbo formalis et ex rebus ac factis divinis proponitur intellectui tamquam locutio divina. Res et facta referuntur tum ad manifestandam divinam originem locutionis, cuius in complexu spectatae sunt elementum internum; tum ad manifestandam credibilitatem veritatis enuntiatae (e. g. Trinitatis personarum), et ad manifestandum officium credendi. Nam quoad primum illis rebus et factis tamquam rationibus internis evidenter excluditur formido prudens, ne forte talis locutio non sit divina, et postulatur firmus assensus in divinitatem locutionis. Quoad secundum per res illas et per illa facta, quatenus referuntur ad veritatem enuntiatam (Trinitatem personarum), intellectus tamquam per motiva credibilitatis evidenter cognoscit, hanc veritatem esse credibilem et esse credendam. Utrunque hoc iudicium, videlicet iudicium de dignitate rationum postulantium firmum assensum in divinitatem locu-

tionis includens alterum de credibilitate rei dictae et officio credendi, utrumque aio est ex evidencia; utrumque tamen supernaturale, quia intellectus non viribus naturalibus sed viribus gratiae confortatus elicit assensum (1). At licet evidenter cognoscatur utrumque obiectum quod diximus, dignitas nempe rationum pro divinitate locutionis et credibilitas rei dictae; non tamen nobis directe *evidens* sed solum *obiective certa* est ipsa divinitas locutionis, de quo mox dicemus.

c) Dum igitur intellectus sub supernaturali illustratione videt hanc dignitatem rationum pro divinitate locutionis et credibilitatem rei dictae atque officium credendi; voluntas per inspirationem gratiae libere concepit pium ac supernaturalem credulitatis affectum.

d) Voluntas supernaturaliter elevata ex submissione erga divinam maiestatem libere inclinat intellectum ad assensum firmissimum in divinitatem locutionis exclusa omni formidine di opposito; et intellectus ex imperio voluntatis per vires superadditas gratiae assentitur firmissime, aestimative super omnia, veritati: « haec talis locutio est locutio Dei. »

Gratia tum voluntatis tum intellectus ad actus antecedentes omnes datur in ordine ad ipsum formalem assensum fidei.

e) Denique supposito assensu supernaturali in obiectum formale: « Deus est infinite verax, et Deus revelavit hanc doctrinam e. g. tres esse personas divinas, » sequitur illustrante et inspirante divina gratia assensio supernaturalis aestimativa super omnia in ipsam veritatem revelatam *ex motivo formalis auctoritatis Dei loquentis*, atque adeo unice inhaerendo primae veritati. Hic iam est formalis actus fidei.

(1) Indicium de credibilitate debere esse supernaturale, non est dubium, quatenus pertinet ad initium fidei, et requiritur ad concipiendum voluntatem credendi, quas sane iuxta Conciliorum et PP. doctrinam est ex gratia supernaturali. Neque Suarez solas apprehensiones dixit supernaturales, ipsam vero indicium credibilitatis tantummodo naturale, ut alieni legenti relationem criticam. Cardinalis de Lugo videri posset; doct enim Suarez loci citato a Cardinali disertissime, ipsam indicium credibilitatis posse quidem elicere viribus naturae, sed non posse esse siue oportet, nisi eleveretur per illuminationem gratiae. Suarez disput. VI. sect. 8. n. 14; Lugo disp. XI. sect. 1. n. 2.

IV. *De libertate actus fidei formalis.*

1. Ad libertatem assensus fidei formalis necessario praesupponitur et requiritur, ut liber sit assensus in obiectum formale saltem secundum eius partem alterutram divinae auctoritatis et revelationis. Nam sub evidencia non habet locum libertas assensus; atqui omnino evidens est, posita infallibilitate Dei et posita locutione Dei, id quod continetur in hac locutione, esse verum. Ergo quando necessarium est utrumque actuale hoc iudicium: « quidquid Deus dicit, non potest non esse verum; Deus dicit tres esse personas divinas; » profecto etiam necessarius est assensus in veritatem: tres esse personas divinas. Ut enim assensus liber sit libertate *specificationis*, de qua hic agitur, necesse est, ut in potestate mentis sit etiam obiecti negatio vel de eodem dubitatio. At negatio vel dubitatio in conclusione (tres sunt divinae personae) iam continet negationem vel dubitationem de alterutra praemissarum; hoc scilicet ipso, quod quis dubitat vel negat, tres esse divinas personas, iam etiam dubitat vel negat, quidquid Deus dicit, esse verum; aut Deum hoc dixisse; aut utrumque simul. Nemo enim potest dubitare de evidenti consequentia: si quidquid Deus dicit, est verum, et si Deus dicit tres esse divinas personas, evidenter consequi verum esse hoc a Deo dictum, tres esse personas divinas. Iam vero ex hypothesi iudicium illud utrumque in praemissis esset *evidens*, et proinde necessarium absque possibilitate dubitationis vel negationis; ergo etiam in consequenti dubitatio vel negatio esset impossibilis, et hoc ipso nulla libertas specificationis.

2. Posset forte aliquis concedendo totum quod diximus, alterius contendere, cum actuali assensi in obiectum formale quantumvis necessario adhuc posse consistere non quidem libertatem *contrarietatis*, sed tamen libertatem *exercitii* in actu formalis fidei, quia potest assensus in ipsam veritatem revelatam suspensi propter specialem difficultatem, quae in ea reperitur. At haec suspensio assensus estne solum mentis diversio ab obiecto, an est dubitatio de verita-

te? Ubi agitur de libertate assensus propter defectum evidentiæ, numquam est quaestio de libertate avertendi cogitationem ab obiecto; tali enim modo sumus etiam liberi in iudicio $2+2=4$. Dubitatio autem de veritate propositionis singularis una cum iudicio actuali et firmissimo, eam contineri in propositione generali et propositionem generalem esse certissimam, puta dubitatio de veritate Trinitatis una cum iudicio actuali, Trinitatem esse revelatam a Deo, et quidquid est revelatum a Deo esse necessario verum, profecto consistere non potest. Nam dum assentiris obiecto utrique formali, iam virtualiter assentiris veritati ipsi revelatae; si ergo assensus ille prior esset necessarius, posterior non posset esse liber, nisi forte illa libertate divertendi cogitationem, de qua non agitur. Ceterum haec ipsa diversio cogitationis ab obiecto revelato est necessario simul diversio ab obiecto formalis; ergo haec ipsa qualisunque libertas exercitii componi non posset cum *actuali* consensu necessario in veritatem utriusque praemissae. Neque enim potest *actu* iudicari: Deus infinite verax dicit hoc verum; et simul diversi iudicium ab hoc vero. Ad summum posset esse iudicium non explicitum sed solum implicitum.

Quod dicitur de speciali difficultate, quae reperiri solet in obiecto materiali, ea certe efficere potest, ut negetur vel suspendatur assensus, si hic liber est; eo ipso autem iam etiam suspenditur vel negatur assensus in alterutram ex praemissis. Potest sane aliquis speciali difficultate induci ad dubitandum e. g. de unitate naturae in tribus personis, at hoc ipso iam dubitat, utrum haec doctrina sit a Deo revelata; nam de altero, utrum Deus sit verax in revealando, nemo nisi forte valde ignorans vel delirans dubitare potest (1).

(1) Disputationes theologorum etiam prolixæ ad probandam absentiam veritatem Dei, et ex altera parte sophisticæ rationes contra eam inductæe hoc unum ostendunt, veritates etiam evidentes (exceptis primis principiis) licet demonstratione non indigent, tamen eam admittere. Quod autem dicuntur fuisse disputatores theologici, qui dubitari posse putaverint de absoluta repugnancia falsitatis in revelatione vere divina, probat sophisticam subtilitatem quandoque vicinam esse dilirio.

Dici solet, libertatem assensus fidei inde esse, quod obiectum materiale in se et intrinsecus non intelligimus. At hoc imprimis universum admittere nequeunt, qui nobiscum tenent posse etiam fide divina et libera credi, quae aliunde ex ratione intestina sunt evidentia (cf. Tract. de Deo th. IX. n. II); tum etiam in veritatis quas in se minime intelligimus, potest quidem ex hac ratione specialis difficultas in assentiendo ortum habere, sed non potest inde explicari libertas fidei, nisi quatenus simul supponitur in-evidentia et libertas assentiendi in alterutro obiecto formalis. Si enim obiectum formale in utraque sua parte esset evidens, etiam cum evidentia manifestaret existentiam, quavis non declararet internam rationem obiecti, quod creditur; unde iam non esset libertas in credendo existentiam talis veritatis utpote *evidenter* manifestatam. Quando igitur s. Thomas vel alii theologi considerant libertatem fidei in relatione ad illam internam inevidentiam obiecti materialis, intelligunt sunt *supposita inevidentia obiecti formalis* loqui de illa speciali difficultate, quae oritur ex non perspecta ratione ipsius veritatis credendæ. Evidentiam locutionis divinae sufficiere ad tollendam libertatem assensus etiam in rem revelatam, licet haec in se maneat obscura, vide penes sanctum Thomam 2. 2. q. 5. a. 2. Ceterum ut iam dixi, interna inevidentia veritatis credendæ seu *obiecti materialis* neque necessaria est, ut possit esse obiectum liberi actus fidei; dummodo sit non evidens *obiectum formale*. Licet enim aliquis evidenter cognoscat veritates rationales, potest tamen eas credere libero actu fidei, si simul sunt propositæ revelatione, quam certo non tamem evidenter cognoscit ut divinam; tum vero non quidem ratione obiecti materialis sed tamen ratione obiecti formalis dicitur fides a *argumentum non apparentium* » Heb. XI. 1.

Itaque ipsa possibilis dubiorum de veritate doctrinæ revelatae, quae dubia oriuntur ex insita doctrinæ difficultate, supponit et ostendit libertatem assensus in alterutram ex duabus veritatis constituentibus obiectum formale. Vide Suarez disp. III. sect. 8. n. 19-21; de Lugo disp. II. sect. 1. n. 9. sqq. Iam vero cum actus fidei sit ex

sua natura actus liber, ut non solum experientia et factis heu nimis confirmatur, sed omnino constat ex Scriptura, ex doctrina PP. et consensu theologorum, et ex intima eius ratione, quia est actus meritorius virtutis (vide Suarez disp. VI. sect. 6), ex diserta denique definitio Concilii oecumenici Vaticani (Constit. de Fide cap. 3. can. 5.); cum deinde veracitas Dei forte omnibus sit vel saltem possit esse evidens, ac proinde assensus in eam, spectatus in se et non spectata eius supernaturali firmitate super omnia, necessarius sit vel saltem esse possit; consequitur divinitatem locutionis non esse, et quatenus pertinet ab obiectum formale liberi actus fidei, non posse esse evidentem, licet sit et cognoscatur certissima.

3. Quomodo vero divinitas locutionis certa sit, nec tammen evidens, ex superius declaratis facile explicatur. Si verbum seu doctrina consideretur illo sacro velut apparatu circumvestita, de quo diximus, evidenter dignitas rationum prae quovis intellectu postulat firmum assensum et excludit formidinem prudentem de opposito, est ergo certitudo obiectiva (supra cap. I. n. II. 2.) relirens intellectui ex ipsa intestina ratione revelationis spectatae in complexu, ut constat verbis et factis. Quamvis vero tot splendeant rationes manifestantes existentiam revelationis, ut sit evidens exclusio prudentis formidinis de opposito, adeoque dum perspicuntur et saltem dum actu considerantur rationes, rapitur assensus in hanc veritatem: « prudenter absque formidine erroris teneri possit ac debere existentiam revelationis; » et quamvis proinde in sensu composito cum aliis considerationibus rationum non maneat libertas ad iudicium hoc alterum: « prudenter posse dubitari de existentia revelationis; » nihil tamen minus existentia ipsa revelationis non est directe evidens, sed tantummodo obiective certa, h. e. manifestatio rationum non est clara eo gradu, ut excludat etiam possibilitatem formidinis imprudentis. Ideo assensus intellectus non rapitur sublate libertate in hoc iudicium: « existit revelatio; » non rapitur inquam necessario, saltem ubi non de revelatione in abstracto et generatim spectata sed de revelatione singularum veritatum

in concreto agitur (1). Unde intellectus manens per se indeterminatus ad assensum praestandum vel negandum, per voluntatem inclinandus est ad alterutrum; si tamen per-

(1) De hac claritate certitudinis, non vero de claritate evidentiae quae tollat libertatem, loquitur S. P. Pius IX., quando describit splendorem rationum, quibus divinitas revelationis illucescit ita, ut omnino cuiusque mens et cogitatio intelligat christianam fidem Dei opus esse, ac proinde teneatur a quavis difficultate ac dubitatione (quae sane imprudens et ideo impia locum habere potest) penitus abiecta atque remota, omne eidem fidei obsequium praebere. Verba Pontificis haec sunt. « Humana quidem ratio, ne in tanti momenti negotio decipiatur et errat, divinas revelationis factus diligenter inquirat oportet, ut certo sibi constet, Deum esse legumque (diligentia ab omnibus est adhibenda sed tamen pro diversitate hominum diversa, et omnino in animis omnium debet esse de divinitate locutionis certitudo; quis vero suspicetur a Pontifice doceri pro omnibus necessitatibus evidentiæ).... Sed quam multa, quam mira, quam splendida praesto sunt argumenta, quibus humana ratio luculentissime evincit omnino debet (cf. *Dicitur conniectio* ut est in Itala et penes PP. Hebr. XI. 1.), divinam esse Christi religionem.... ac proinde nihil fidei nostra certius, nihil securius, nihil sanctius ostendere, et quod fieri rursum innitatur principiis. Enumeratio arguments prosequitur: « Quae certe omnia tanto divinae sapientiae ac potentiae fulgore undique colluentes, ut cuiusque mens et cogitatio vel facile intelligat, christianam fidem Dei opus esse. Itaque humana ratio ex splendidissimis hisce aequo ac firmissimis arguments,clare aperte cognoscens, Deum eiusdem fidei anctorem existere, ulterius progrederi nequit, sed quavis difficultate ac dubitatione penitus abiecta atque remota omne eidem fidei obsequium praebeat oportet, cum pro certo habeat, a Deo traditum esse, quidquid fides ipsa hominibus erendum et agendum proponat. » (Encycl. 9 Nov. 1846.) Quod ad persuadendam opinionem de stricte dicta evidentiæ facti revelationis animadverunt, in hisce S. Pontificis litteris « non agi de sola evidentiæ credibilitatis, sed de evidentiæ veritatis religiosis nostræ, » omnino concedimus Pontificem agere non solum de credibilitate, sed de veritate facti revelationis; negamus autem, doceri evidentiæ facti illam stricte dictam, quae tollit libertatem assensus (vide supra cap. I. §. II.). Quomodo porro quispiam in illam sententiam cogere possit Suarezum, equidem non intelligo. Tota ratio ad illud rediuitur, quod Suarez in uno loco (disp. 3. sect. 8. n. 3.) eam quam nos dicimus certitudinem, appellavit evidentiæ moralis distinguens illam ab evidentiæ metaphysica, quam nos appellavimus evidentiæ stricte dictam. Ceterum fidem nostram qua fideles nominamus et sumus, et de qua sola agimus, non posse consistere cum evidentiæ sive naturali sive supernaturali de Dei veritate simul et de facto revelationis, Suarez (ibid. sect. 8. punct. 3.) multis probat, et ex suis

spectis rationibus negat assensum, necessario simul iudicat, imprudenter et contra certum officium se agere. Dum igitur locutio Dei complexa, h. e. locutio *formalis* per doctrinam et *realis* per facta menti exhibetur, illa ex se ipsa et ex sua insita ratione non autem per aliud motivum diversum, atque ideo *immediate* intelligitur *cum certitudine* non tamen per *evidentiam* ut verbum non hominum, sed sicut est vere, verbum Dei. Primum iudicium: « debetur assensus firmus, hanc locutionem esse divinam, » iudicium est ex *evidentia*; alterum iudicium: « haec locutio est divina, » debet esse iudicium *certum* excusa formidinis de opposito, non tamen est ex directa evidentiâ, et ideo ad firmum assensum requiritur imperium liberæ voluntatis.

Si quis existimet, aliquando saltem primis fidei promulgatoribus, prophetis et Apostolis fuisse stricto sensu *evidentem* divinitatem revelationis; in hac hypothesi assensus in rem dictam posset quidem appellari actus fidei, quia fuisset assensus propter cognitam auctoritatem Dei revelantis; attamen assensus liber non fuisset, et ideo alterius ra-

principiis quae statuit de analysi et de propria ratione fidei nostrae, necessario defendere debuit. Nec alind quam plenam *certitudinem* et *evidentiam* *moralem* (ut appellat Suarezinus) facti revelationis enniat alter theologus, ad quem provocatur, Aegidius Coninck, dum ait (de Fide disp. II. dub. 2. n. 68.), viro doctos et pios post diurnam meditationem et exercitationem in percurre posse, ut ex motivis credibilitatis « veritatem tanta certitudine et evidentiâ colligant, quae corum intellectus quasi convincat, ut de ea dubitare non possint, juxta illud (Ps. 92), *testimonia tua credibili facta sunt nimis.* » Aequa vere dicere licet, homines sanctos tanta gratia saepe muniri, ut mortale peccatum committere *quasi non possint*. Postremo non puto, auctoritatem s. Thomae 2. 2. q. 5. a. 2., merito induci pro ista *evidentia* demonstrationis in fide ea, ex qua fideles landantur et de qua nobis sermo est, cum Angelicus ibi clarissime doceat, fides in qua intellectus convinceretur evidentiâ signorum, « ut cognosceret manifeste hoc dici a Deo, qui non mentitur, » non esse eam « quae in fidelibus Christi landatur; » sed hoc modo fidem esse non libram, ut e. g. in daemonibus; « vident enim, inquit, multa manifesta (i. e. eis evidentiâ) indicia, ex quibus percipiunt doctrinam Ecclesiae a Deo esse, » et ideo non libere credunt, « sed magis cogunt ad credendum ex perspicacitate naturals intellectus, » cui nempe *evidentiâ signorum* ad demonstrandam veritatem facti revelationis illucescit, « quamvis res ipsas quas Ecclesia docet, non videant. »

tionis censeri deberet ac est virtus fidei nostrae; unde aliqui talem assensum malunt dicere *cognitionem propheticam* quam fidem. Ex hoc autem ipso apparent, etiam illos sanctos Dei homines saltem non in omnibus veritatibus revealatis habuisse talem stricte dictam evidentiam revelationis, quia same virtutem fidei meritoriam et eiusdem rationis ac fidem nostram in eis nemo negare potest. Suarez disp. III. sect. 8. n. 5. sqq.; de Lugo disp. II. sect. 1.

Ex omnibus dictis constat, quomodo se habeat voluntatis imperium in formalis actu fidei. Voluntas per gratiam confortata inclinet oportet intellectum ad firmissimum assensum in veritatem revelatam propter Dei loquentis auctoritatem praestandum; unde voluntatis imperium non potest inclinare intellectum ad assensum in veritatem revelatam, quin simul inclinet ad assensum in divinitatem locutionis; et ideo locum habet actus liber voluntatis quoad obiectum materiale fidei, quia intercedit eiusdem voluntatis actus liber quoad obiectum formale, h. e. quoad divinitatem revelationis propositae.

Corollarium 1. Peccatum internae negationis fidei non committunt homines ita, ut retento assensu in existentiam verbi revelati negent vera esse, quae illo verbo suo Deus dicit; neque enim id fieri potest. Unde vidimus s. Thomam concedere, « quod nullus est ita infidelis, quin credit, quod Deus non loquitur nisi verum. » Peccant vero infideles eo, quod revelationes sufficienter proposita ut evidenter credibili et credenda negant tamen assensum in existentiam talis revelationis, et consequenter negant assensum in veritatem revelatione propositam. Exigit enim suprema Dei maiestas atque auctoritas hoc absolutum obsequium creaturae rationalis, ut quando verbum Dei sufficienter est propositum, assensus praestetur firmissimus. « Fidelis credit homini, in quantum Deus in eo loquitur, quod ex certis experimentis colligere potest; infidelis autem non credit Deo in homine loquenti » S. Th. I. c. (supra p. 646.). Hinc etiam patet, auctoritatem Dei, ut obiectum formale fidei, relate ad intellectum credentis esse quidem (ut diximus) infinitam veritatem in cognoscendo et veritatem in reve-

lando; sed relate ad voluntatem, ut imperet assensum, motivum inclusum in auctoritate esse etiam supremam Dei maiestatem. Ita etiam a s. Thoma loco mox citando « ratio inclinans voluntatem » dicitur « ipsa veritas prima sive Deus » (1).

Ex his ulterius sequitur, fidem habitualis consistere in ea animi dispositione per supernaturale permanens donum effecta, secundum quam homini veluti connaturalis est voluntaria subiectio intellectus sub auctoritate Dei, et promptitudo sub auxilio actualis gratiae credendi, quidquid ut divinitus revelatum sufficienter proponitur. Ex quo intelligitur, fidem habitualis manere candem, sive amplior sive minus ampla sit cognitio explicita obiectorum fidei materialium; et simul redditur intima ratio, cur habitus fidei penitus amittatur, quando deliberate negando assensum etiam in unicam veritatem sufficienter propositam pectatur contra fidem.

Corollarium 2. Firmata assensus potest intelligi dupliceiter, primo ita, ut ex ipso modo cognoscendi excludatur *physica possibilis formidinis* de opposito; secundo quatenus assensus liber est, adeoque non ex sua natura excludit *physicam possibilitem formidinis*, sed ex *imperio voluntatis* adhaeret suo obiecto cum exclusione cuiuscumque *formidinis actualis*. Prior illa firmata est propria evidentiae, adeoque de ea in actu fidei non est sermo. Altero modo spectata firmata in assensu fidei divinae est *aestimativa super omnia*, h. e. voluntas per gratiam confortata ita imperat assensum firmum intellectus supernaturaliter illustrati cum exclusione *formidinis* de opposito, ut quantum a libertate pendet (2), omnia quae cognoscuntur scientia

(1) Relate ad voluntatem debent utique etiam spectari ut objective moventia boni ipsi credenti promissa et mala non credenti intentata, quae saepe commemorat Angelicus. Quoniam vero fides formaliter est in intellectu, non sane haec quae movent voluntatem, sed sola veritas prima revelans, propter quam intellectus (imperante voluntate) praestat assensum, est *formale obiectum fidei*, ut saepe iam dictum est in superioribus.

(2) « Regula generalis haec esse potest, ait de Lugo, ut per fidem assentiantur intellectus firmissime, ea scilicet firmitate, ut promptus

naturali, vellet habere falsa, si opponerentur veritatibus fidei sufficienter propositis, quia infinita Dei auctoritas digna est hoc absoluto mentis obsequio. « Certitudo quae est in scientia et intellectu est ex ipsa evidentiis eorum, quae certa esse dicuntur; certitudo autem fidei est ex firma adhaesione ad id, quod creditur. In his ergo quae per fidem credimus, ratio voluntatem inclinans ut dictum est, est ipsa veritas prima sive Deus, cui creditur, quae habet maiorem firmitatem quam lumen intellectus humani, in quo conspicuntur principia, vel ratio humana, secundum quam conclusiones in principia resolvuntur; et ideo fides habet maiorem certitudinem quantum ad firmitatem adhaesioneis, quam sit certitudo scientias vel intellectus; quanvis in scientia et intellectu sit maior evidentiis eorum, quibus assentitur » S. Th. 3. dist. 23. q. 2. a. 2. sol. 3. Cf. Ripalda de Fide disp. XI. sect. 3. n. 37. 43. 45. sq. Ex his intelleguntur duo.

a) Apparet ratio, cur haeretici formales qui recusant assensum aliqui veritatis fidei eis sufficienter propositae, neque circa alias fidei veritates quibus assentiantur, eliciant actus fidei *super omnia*, quales actus supernaturales fidei divinae esse oportet. Sicut enim repugnat, ut Deus sumum bonum ametur charitate super omnia in observatione ceterorum mandatorum, dum unum violatur, et eo ipso Deus *appreciatice* alieni bono non praefertur; ita Deus prima veritas non potest coli mentis obsequio et subiectio *appreciatice* super omnia in credendis ceteris veritatibus, dum hoc obsequium in una aliqua veritate satis proposita negatur. In hoc enim ipso consistit animi dispositio per fidem habitualis et *firmatas super omnia*, quae includitur in quovis acto fidei divinae, ut homo propter solam auto-

sit ad neganda potius omnia obiecta contraria, quae saltem ex imperio voluntatis negare potuerit; neque enim potest esse paratus negare quia nullo modo negare potuerit... Chamaericum est proponi per fidem id, quod omnimoda claritate et undequaque constet esse falsum, et quod intellectus non posset credere esse verum, cum evidentiis perfectissima cogat illum ad assentendum eius contradictorio » de Lugo disp. VI. n. 51. 53.

ritatem Dei promptus sit aequali modo sese subiicere cuivis veritati, quamprimum tamquam revelata sufficienter est proposita. Cf. de Lugo disp. XVII. sect. 6. n. 122. (1).

b) Pariter ex dictis constat, cur possibilis dubii immo etiam actualis *indelibera* dubitatio non obsit firmitati fidei. Exclusio enim formidinis de opposito, ut diximus, est ex imperio liberae voluntatis; quoniam ergo perseverat *indelibera* voluntatis repugnantia adversus formidinem erroris, manet etiam firmitas fidei propria. Cf. S. Th. I. c. ad 2.; Ripalda disp. XI. sect 2. n. 18. 19.

Corollarium 3. Quamvis auctoritas Dei et locutio divina sint motivum et obiectum formale fidei, atque sub ista ratione haec motiva saltem in primo actu fidei non per assensum fidei propter auctoritatem Dei revelantis, sed ex manifestatione intrinsecus cognoscibili intelligentur modo, quo declaravimus; nihilominus sub alia ratione tum auctoritas Dei tum existentia locutionis divinae sunt etiam obiectum materiae fidei, atque adeo veritas credenda propter auctoritatem Dei revelantis. Revelavit enim Deus sive explicite sive saltem actu exercito tum suam infinitam veritatem tum suae revelationis existentiam. In hoc autem actu fidei auctoritas et locutio Dei ut obiectum formale propter quod creditur, cognoscitur modo supra explicato ex rationibus internis, et eadem auctoritas atque locutio creditur ut obiectum materiale. Est ergo in tali actu fidei duplex assensus supernaturalis in idem obiectum sub duplice diversa ratione spectatum. Praecognosco uno actu auctoritatem Dei revelantis ex rationibus internis; tum alio actu saltem vir-

(1) Inter veteres scholae theologos solus Durandus censuit, haereticos errantes culpabiliter circa unum articulatum adhuc elicere actus fidei theologicas circa articulos alios. Ripalda de Fide disp. IX. sect. 4; disp. VI. sect. 4. n. 34. 35. valde propendit in sententiam, elici ab illis haereticis actus fidei supernaturales licet imperfectos; concludit tamen n. 63: « evidenter affirmarem, si praeter Durandum duces essent nostri secundi scriptores; sed cohabeo sententiam, donec alii praeluceant. » Sane conspiratio theologorum adeo constans satis est, ut illis quibuscumque actibus imperfectis propria ratio fidei divinae ac theologicae neganda sit, nec modus deest, quo haec res explicetur, ut appareat ex dictis in textu.

tualiter distincto (actu fidei), propter auctoritatem Dei revelantis assentior utrique huic veritati: « Deus est infinita veracitas, » « Deus se manifestavit supernaturali revelatione. » Vide Tract. de Deo th. IX.

Corollarium 4. Quamvis ex dictis cognitio obiecti formalis ultimatum non sit mediata per actum fidei propter motivum auctoritatis Dei revelantis, sed immediata ex rationibus intestinis; potest tamen ille supernaturalis firmissimus assensus in auctoritatem Dei et adhuc magis assensus inevidens et liber in divinitatem locutionis propositae latiori nominis significations appellari *assensus fidei*, tum quia veritas utraque est obiectum formale fidei et ingreditur ut motivum ipsum fidei actum, tum maxime quia assensus uterque elicetur ab intellectu sub lumine fidei supernaturali. Cf. de Lugo disp. I. sect. 7. n. 129.

CAPUT V.

DE NECESSITATE PROPOSITIONIS VERITATIS PER ECCLESIAM.

Declarandus primum est status praesentis quaestions. Aliqui theologi docerunt, ultimam fidei analysin fieri in auctoritatem infallibilem Ecclesiae. Quaerenti enim cur hanc illamve veritatem credamus, respondemus: quia Deus infinita veritas revelavit; porro interroganti quomodo constet, Deum revelasse, reddimus rationem fidei nostrae: quia Ecclesia infallibilis id docet. Referuntur in hac opinione fuisse Durandus, Gabriel Biel, Almainus in 3. dist. 23-25; Michael Medina I. V. de recta in Deum Fide aliquie, quorum sensum non adeo extra controversiam certum explicat Petrus Hurtadus de Fide disp. VII. sect. 2. Communis theologorum consensus hanc doctrinam improbat. Si enim auctoritas Ecclesiae assumitur ut infallibilis sub assistentia Spiritus Sancti; ita ipsam est obiectum materiale fidei quod creditur, nec ergo potest esse principium, in quod ultimo fides resolvitur. Quaerendum scilicet superest, cur credatur haec ipsa assistentia Spiritus Sancti ad constitutandam infallibilem Ecclesiam; et sane respondendum,